

non indigetis ut scribamus vobis: ipsi enim diligenter A sciitis. Evidenter de Evangelii lectione. Quia dies Domini sicut fur in nocte, ita venit. Quando omnes scierit dormire securos. Cum enim dixerint, pax et securitas, tunc repentinus eis supervenit interitus. Tunc maxime timendus est, quando eum nemo timet. Sicut dolor in viro habentis. Id est partus. Et non effugiet partum. Sicut illa venientibus doloribus non effugiet partum. Vos autem, fratres, non estis in tenebris. Non estis in ignorantia, quia sciitis vos semper paratos esse debere. Ut vos dies ille tanquam fur comprehendat. Somno inertiae dormientes. Omnes enim vos filii lucis estis, et filii diei. Ipse est lux, et dies scientiae, et operationis. Non sumus noctis neque tenebrarum. Sicut tenebrae, ita et ignorantia dat fiduciam delinquendi. Igitur non dormiamus. B Mentem. Sicut ceteri. Qui sic. Sed vigilemus, et sobrii simus. Attendite vobis, ne graventur corda vestra crapula, et ebrietate, et curis huius vitae: ergo et curae inebriant. Qui enim dormiunt. Ideo otiosi sunt et ceteri, quia in tenebris sunt. Sequitur comparationem. Nocte dormiunt. In peccatis. Et qui ebrii sunt, nocte ebrii sunt. Id est, de peccatis. Nos autem qui diei sumus. Nos qui diem habemus, nec otiosi nec ebrii esse debemus. Sobrii simus. Ab omni peccato. Induti loriceam fidei et chitidis, et galeam spem salutis. Fide et charitate iustitiae vestem induti, quam alibi loriceae comparavit. Quoniam non posuit nos Deus in iram. Id est in perditionem. Non credentes in ira sunt positi, qui jam iudicati sunt. Sed in acquisitionem salutis per Dominum nostrum Jesum Christum. Ut acquiramus salutem. Qui mortuus est pro nobis. Nam sive morimur, sive vivimus, sive in corpore, sive extra corpus, cum ipso semper vivimus. Ut sive vigilemus, sive dormiamus, simul cum illo vivamus. Bonis operibus. Propter quod consolamini invicem, et aedificate alterutrum, sicut et fecistis. Sicut felix est qui aedificat, ita infelix qui destruit. Rogamus autem vos, fratres. Notandum quia hoc laicis, quos praepositis monet exhibere officia charitatis. Ut noveritis eos qui laborant inter vos. Ut intelligatis laborem ipsorum. Et praesunt vobis in Domino. Domini exemplo, non potestate terrena: quia bonus doctor non sine labore potest docere, vel praesse aliis. Et monent vos, ut habeatis illos abundantius in charitate. Presbyteri qui laborant in verbo, duplici honore digni sunt, et charitatis, et loci. Propter opus illorum: et pacem habete eum eis. Ne cum pro aliqua causa corripentur a sacerdotibus, inimici et ingrati existerent. Rogamus autem vos, fratres. Hoc sacerdotibus praecipit. Corripite inquietos. Pro diversitate morborum diversitas adhibenda est medi-

cinae. Nunc praepositis loquitur, et lucusque plebi. Consolamini pusillanimes. Qui exasperati desiciunt. Suscipite infirmos, Sustinete nuper credentes, quia nondum sunt firmi in fide. Patientes estote ad omnes. Etiam ad illos qui corripiuntur. Qui in patientia non est, non corrigit, sed irritat. Videte ne quis malum. Omni diligentia et cautela. Pro malo alicui reddat. Timet ne vel reddat quod facere non posse credebatur, hoc jam generaliter. Sed semper, quod bonum est sectamini in invicem. Reddere pro malo bonum. Et in omnes. Non solum in invicem, sed etiam in omnes homines. Semper gaudete. Quasi tristes, semper autem gaudentes, id est, spe futurae vitae. Sine intermissione orate. Corde, sicut Moysi tacenti dicitur: Quid clamas ad me? In omnibus gratias agite. C In omnibus quae acciderint, sicut B. Job, in omnibus actibus vestris Domine gratiae referantur. Haec est enim voluntas Dei in Christo Jesu in omnibus vobis. Sicut in illo impleta est per omnia, ita et in vobis omnibus impleatur. Spiritum nolite extinguere. Spiritum exhortantis objectionibus nolite extinguere quaestionum. Extinguere malis operibus, id est opera sancti Spiritus, quia quidquid illo inspirante facimus, ille facit: qui auctor est operis boni, sicut diabolus mali. Prophetias nolite spernere. Sive futura praedicentes, sive praeterita discentes, tantum probetis si fidei non sunt contraria, quae dicuntur, et si quid tale fuerit, refutate. Omnia probate, quod bonum est tenete; ab omni specie malis abstinete vos. Quia multae species sunt malorum. Ipse autem Deus pacis. Qui omnes sustinet etiam blasphemantes. Sanctificet vos. Jugi custodia protegendo: qui sanctificavit, hos et sanctificavit. Per omnia. Ut perfecti sitis in omnibus. Et integer spiritus restet. Gratia spiritus quaecunque in se integra sit, non tamen integra, nisi ab integris custoditur. Dicitur frequenter spiritus ipsa mens rationalis, ubi est quiddam tanquam oculus animae, ad quam pertinet imago et agnitio Dei, et aliquoties spiritus pro spiritali intellectu accipitur. Et anima. Cogitatur. Et corpus sine querela. Ab opere. In adventum Domini nostri Jesu Christi servetur. Fidelis est qui vocavit vos. Qui dixit: Venite ad me, omnes qui laboratis et onerati estis, et ego vos requiescere faciam. Qui etiam faciet. Ut perseveretis. Quod promissit dicens: D Ecce ego vobiscum sum usque ad consummationem. Fratres, orate pro nobis. Salutate fratres omnes in osculo sancto. Adjuro vos per Dominum, ut legatur Epistola haec. Adjurare licet, jurare non licet. Omnibus sanctis fratribus. Gratia Domini nostri Jesu Christi vobiscum. Amen. Sanctos possumus baptizatos accipere.

AD THESSALONICENSES EPISTOLA SECUNDA.

CAPUT PRIMUM. Paulus, et Silvanus, et Timotheus Ecclesiae Thessalonicensium in Deo Patre nostro et Domino Jesu Christo. Gratia vobis et pax a Deo Patre nostro, et Domino Jesu Christo. Sancti sunt, id est

Ecclesia et omnes fideles baptizati. Gratias agere debemus Deo semper pro vobis, fratres, ita ut dignum est. Qui vos tales fecit, talemque ex vobis Ecclesiam, donoque misericordiae preparavit, ut tantis

tribulationibus non cedatis. Quoniam supercrescit fides vestra, et abundat charitas unuscujusque vestrum in invicem. Ante dono Dei credidit: nunc supercrescit fides, ideo et laus augeatur. Justam erat, ut supercrescente eorum fide et charitate, et ejus supercresceret laus simul: et illud eis prænuntiat, quod id novo argumento eos quidam in fide tentaturi essent avertere, quod dicerent Christum cito adesse, et quem vellent, pro Christo induerent ad suadendum. Ita ut et nos ipsi in vobis gloriemur in Ecclesiis Dei, pro patientia vestra et fide. Tantum profecistis, ut non solum alii vos laudent, sed etiam nos ipsi præleramus omnibus vos imitandos. In omnibus persecutionibus vestris et tribulationibus, quas sustinetis. Quia nisi crederetis dono Dei futura, ista minime sufferretis. Sed gratias agimus Deo, cujus est, ut possitis. In exemplum justii iudicii Dei. Ut exemplum detis justum Dei iudicium expectandi: quem ita creditis venisse. Ut digni habeamini regno Dei. Digni sunt regno Dei, qui gloriam ejus scientes, nullam condignam esse putant passionem. Pro quo et patimini: nisi si tamen justum est apud Deum retribuere tribulationem his qui vos tribulant. Illic, si tamen insultantis est, non dubitatis, quasi dicat: Si tamen fons justitiæ potest judicare, quod justum est. Et vobis, qui tribulamini, requiem nobiscum in revelationem Domini de cælo. Quia nobiscum compatimini. Cum angelis virtutis ejus. Qui vindicent. In flamma ignis dantis vindictam his qui non nocuerunt Deum. Si potuit flamma tres pueros non tangere, quare non eadem aliis sævior, aliis mitior credatur? Et qui non obediunt Evangelio Domini nostri Jesu Christi. Non solum qui non noverant Deum, sed etiam qui non obediunt Evangelicis disciplinis. Qui penas dabunt in interitum æternæ. Pœna sine patiente dici non potest sempiterna. A facie Domini, et a gloria virtutis ejus. A cujus conspectu sententiam recipiunt. Cum venerit glorificari in sanctis suis. Ipse in suis glorificabitur membris, qui solis splendore rutilabunt. Sive glorificabitur, cum exhibebit quod promisit. Et admirabilis fieri in omnibus qui crediderunt. Mirabuntur enim impii in sublimatione justorum inspirante salutis (sic). Quia creditum est testimonium nostrum super vos in die illo. Quia multi creditis testimonio nostro de die illo. In quo etiam oramus semper pro vobis, ut dignetur vosocatione sua Deus. Ut digni inveniamini ad quod estis vocati: quos enim vocavit, illos et justificavit. Certe jam baptizatis loquelatur. Et impleat omnem voluntatem bonitatis, et opus fidei in virtute. Ad iutorio quotidiano gratiæ et scientiæ: ac consolatio virtutum, quæ opus sunt fidei. Ut clarificetur nomen Domini nostri Jesu Christi in vobis, et vos in illo. Ut Christi nomen in vestris actibus clarum sit, et vos in ejus signis atque virtutibus gloriosi. Secundum gratiam Dei nostri et Domini Jesu Christi. Non secundum virtutem nostram, sed secundum gratiam Dei. Diligenter considera, quod secundum gratiam Dei dixit, non secundum merita nostra: ut nihil sibi

arroget humana præsumptio, et suis meritis quidquam ascribat.

CAP. II. Rogamus autem vos, fratres, per adventum Domini nostri Jesu Christi. Quo vobis nihil est charius, quasi sanctis. Et nostræ congregationis in ipsum. Quando a quatuor ventis cæli congregabuntur electi. Ut non cito moveamini a vestro sensu. Non facile, sed rationabiliter, secundum Evangelii cõdenissimam sententiam de illa die. Qui credit cito, levis corde, et minorabitur. Neque terreamini, neque per spiritum. Nec signa vos terreat quæ per spiritum transfiguratum in sanctum fient; quia et hoc Salvator ante præmonuit. Neque per sermonem. Dialectica fallaciæ, vel rhetoriæ suasionis. Neque per epistolam. Poterat enim etiam hoc diabolica invenire verusutia: sicut in multis apocryphis apparet, quæ ad fidem perfidiæ faciendam apostolorum nomine titulantur. Tanquam per nos missam. Nostro nomine titulata. Quasi instat dies Domini. Dies iudicii. Ne quis vos seducat ullo modo. Dicens, Ecce hic Christus, ecce illic. Quoniam nisi venerit. Nisi Antichristus venerit, non veniet Christus, quia ita ipse promisit. Discessio primum. De certio veritatis, vel sui principatus; sive discessio gentium a Romano imperio, sicut in Daniele per bestiam et imaginis figuram monstratur. Discessio autem diabolus non immerito dicitur, ab eo quod discessit a Deo. Et revelatus fuerit homo peccati. Id est diaboli, qui secundum Isaiam prophetam conturbat gentes, etc. Filius perditionis qui adversatur, et exollitur. Quia eum quasi sibi natum excipiet. Supra omne. Supra æternitatem et omnipotentiam se jactabit, et sacramenta culturæ augere se dicet. Nam et templum Hierosolymis restituet, et omnia legis cæremonialia restauabit, tantum ut Evangelium Christi dissolvat: quæ res miserabiles Judæos enim pro Christo suscipere persuadebit, in suo, non in Dei nomine venientem. Quod dicitur Deus, aut quod colitur: in ut in templo Dei sedeat, ostendens se tanquam sit Deus. Non retinetis quod, cum essemus apud vos, hæc dicebamus vobis? Quod dicitur Deus, Ecclesia est: quod autem colitur, Deus summus est. Ut in templo Dei sedeat, ostendens se, quod ipse sit Deus, id est quod ipse sit Ecclesia: quale est, si diceret, in templum Dei sedeat, ostendens se quod ipse sit Dei templum; aut in Deum sedeat, ostendens quod ipse sit Deus. Istud de Ticonii Regulis. Et nunc quid deinceat scitis. Adventum Antichristi. Ut rex letur in suo tempore. Idem Antichristum. Nam mysterium jam operatur iniquitatis. In præcursoribus ejus Antichristi, qui exierunt in mundo. Tantum ut qui tenet nunc. Scilicet imperium. Teneat, donec de medio fiat. Regnum Romanorum de medio prius auferetur quam Antichristus reveletur. Et tunc revelabit et illa iniustus, quem Dominus Jesus interficiet spiritu oris, et destruet illustrati. ne adventus sui. Quia sicut fulgor coru caluit in mundo. Eum, cujus est adventus secundum operationem Salanæ. Exsurgent pseudoprophetæ, et pseudochristi, et dabunt signa magna, ita ut in or-

rem mittantur, si fieri potest, etiam electi. In A omni virtute, et signis, et prodigiis mendacibus. In phantasia. Et in omni seductione iniquitatis. Est enim seductio veritatis. His qui pereunt: eo quod charitatem veritatis non receperunt, ut salvi fierent. Qui veritatem non dilexerunt, diligent vanitatem. Ideo mittet illis Deus operationem erroris, ut credant mendacio. Permittit deserendo. Nam si Deus mittit, quomodo operatio Satanæ est ejus adventus? Ut judicentur omnes qui non crediderunt. Ut non se per incarnationis Christi obscuritatem excusent divinis virtutibus non credidisse, cum homini diabolica arte fallenti crediderint: quia in hominis effigie apparebit. Veritas Christo. Sed consenserunt iniquitati. Antichristo. Nos autem debemus gratias agere Deo semper pro vobis, fratres dilecti a Deo. Qui charitatem B recepimus veritatis, et propterea a Deo diligimur. Quod elegerit vos Deus. Fecerit paratos ad credendum: sicut ei alio ire cupienti de viro Macedone revelatum est. Primitias in salutem, in sanctificatione spiritus, et fide veritatis, in qua et vocavit vos per Evangelium nostrum. Quia primos nos fecit credere, quam gentes. In acquisitionem gloriæ Domini nostri Jesu Christi. Ad hoc vocati estis, ut Christi gloriam acquiratis: scimusque, cum apparuerit, similes illi erimus: sive ad Dei gloriam pertinet, cum major credentium numerus crescit. Itaque, fratres, state et tenete. Hæc in fide, et veritate, et sanctificatione spiritus. Traditiones. Cum suas vult teneri, non vult alias superaddi. Quas didicistis, sive per sermonem, sive per Epistolam nostram. De baptismi sacramento C et cæteris quæ toto mundo servantur, et per hoc apostolice comprobantur. Ipse autem Dominus noster Jesus Christus, et Deus et Pater noster. Qui hæc nobis omnia attulit. Contra Arianos, qui majorem putant, qui prius fuerit nominatus: ecce hic prius filius nominatur. Qui dixit nos. Impies, cum non mereremur. Et dedit consolationem æternam. Promissionum: sive Spiritum consolatorem, hoc est Paracletum. Et spem bonam in gratia. Est enim et spes mala. Exhortetur corda vestra. Virtutibus vel revelatione. Et confirmet in omni opere. Confirma me in verbis tuis: quia si ille non confirmaverit, vana est salus hominis. Et sermone bono. Non solum in opere.

CAP. III. De cætero, fratres, orate pro nobis. Sicut D pro Petro, et dat humilitatis exemplum, et occasionem charitatis, ut pro alterutro oremus. Ut sermo Domini currat, et clarificetur, sicut et apud vos. Currat affluentia: magnificetur profectu auditorum. Et ut liberemur ab importunis et nialis hominibus. Contradidentibus et persequentibus. Non enim omnium est fides. Non omnes caste annuntiant Evangelium Dei. Fidelis autem Deus est, qui confirmabit vos. Non relinquet nisi re-inquentes. Et custodiet a malo. Temationibus diabolicæ infestationis. Confidimus autem de vobis in Domino, quoniam quæ præcepimus facitis, et facietis. Dominus autem dirigat corda vestra in charitate Dei. Inspirando, gubernando fugiter, et adjuvando,

ac revelando quanta sint quæ promissit vel bonis, vel malis. Et notandum quod hic Dominum Spiritum sanctum dixerit, contra Arianos hic prior nominatur. Ideo hic merito Spiritum sanctum Dominum accipimus qui in charitate Dei, et in Christi patientia corda fidelium dirigit. Et patientia Christi. Ut intelligatis nihil novum pati pro vobis, quod ille pro vobis non ante pertulerit. Denuntiamus autem vobis, fratres, in nomine Domini nostri Jesu Christi. Quia in prima lenius commonuimus; et emendare noluerant, ut vel sic erubescant. Ut subtrahatis vos ab omni fratre ambulante inordinate. Notandum quod subtrahendum sit ab homine Christiano non secundum apostolica præcepta vivente. Et non secundum traditionem, quam acceperunt a nobis. Inhoneste. Ipsi enim scitis quemadmodum oporteat imitari nos, quoniam non inquieti fuimus inter vos. Qui forma sumus credentium. Neque gratis panem manducavimus ab aliquo, sed in labore et fagitatione, nocte et die operantes, ne quem vestrum gravaremus. Ecce traditionem eorum. Non quasi non habuerimus potestatem. Dicente Domino: Dignus est operarius mercede sua. Sed ut nosmetipsos formam daremus vobis ad imitandum nos. Ne alicui occasionem avaritiæ vel utique fomitem inquietudinis præberemus. Nam et cum essemus apud vos, hoc denuntiabamus vobis. Quod videbamus aliquos tales futuros. Quoniam si quis non vult operari. Ut aut sedeant quieti, aut, si veri sunt apostoli, eos sequantur, si non avaritiæ, sed Dei ambulanti causa. Nec manducet. Hæc sit inquietudinis non solum poena, sed etiam emendatio. Audimus enim inter vos quosdam. Reddit huius sententiæ causas. Ambulare inquiete, nihil operantes. Non sedere quiete. Sed curiose agentes. Quid in qua provincia, vel civitate geratur inquirentes. His autem qui ejusmodi sunt, denuntiamus, et obsecramus in Domino Jesu Christo. Nec ipsos post alteram correptionem desinit commonere. Ut cum silentio operantes, manducent suum panem. Cum quiete et tranquillitate: ne vel cum inquietudine operentur. Vos autem, fratres, nolite deficere beneficientes. Quod si quis non obedit verbo nostro per Epistolam, hunc nolite, et ne commisceamini cum illo. Non omnibus prohibeo dari, sed talibus, ne putetis me consuetudinem tollere beneficiendi. Ut confundatur. Et nolite quasi inimicum existimare. Non ut penitus abscindatur. Sed corripite ut fratrem. Corripite, ut emendetur; nolite abjicere, ne despe. Eger sanandus est, non necandus: ne de inquieto fiat apostata. Ipse autem Deus pacis det vobis pacem sempiternam. Ut possitis omnes curare pacifice. In omni loco. Dominus sit cum omnibus vobis. Et in omni loco, ubicunque fueritis. Salutatio mea manu Pauli, quod est signum in omni epistola. Ita scribo. Ut sciatis falsas epistolas invenire. Gratia Domini nostri Jesu Christi cum omnibus vobis, amen. His verbis omnes Epistolæ subscribebat, excepta Galatarum, quam propria manu perscripsit, ut post eam nec ad semetipsam, nisi manu propria perscripta reciperent.